

## Kako su nastali klubovi za traženje posla ?

Klubovi za traženje posla su nastali 1970-ih, kada je dr. Nathan Azrin osmislio koncept Kluba za traženje posla koji funkcioniše kroz tri segmenta: grupa za podršku, radionica za sticanje vještina potrebnih za traženje posla i mjesto gdje se mogu dobiti informacije o slobodnim radnim mjestima. Klubovi za traženje posla koje je Azrin pokrenuo u centralnom Illinoisu (SAD) su rezultirali sa 90% uspješnih zaposlenja tokom 90 dana rada, čak i sa nekvalifikovanom radnom snagom i slabom lokalnom privredom. Ovi rezultati se ne mogu garantovati, možda ćete kroz Klub za traženje posla naći posao, a možda i nećete – ali šta drugo možete preduzeti, a da ima veću šansu za uspjeh?

Koncept Klubova za traženje posla se uspješno sprovodi širom svijeta. Klubovi sprovode svoje aktivnosti u zemljama poput Sjedinjenih Američkih Država, Australije, Francuske, Švedske, Ujedinjenog Kraljevstva, ali i u zemljama regiona Sloveniji, Hrvatskoj, Srbiji i Bugarskoj.

Klub za traženje posla je u BiH kreiran u sklopu Projekta zapošljavanja mladih (YEP) koji je podržan od strane Švajcarske agencije za razvoj i saradnju (SDC), u saradnji sa Zavodom za zapošljavanje Republike Srpske i Federalnim zavodom za zapošljavanje, odnosno kantonalnim službama za zapošljavanje.

## Kako mogu postati član Kluba?

Za sve informacije obratite se svom lokalnom Birou za zapošljavanje, odnosno direktno osobi koja je zadužena za vođenje Kluba.



# Tražiš posao? Pridruži se klubu. KLUB ZA TRAŽENJE POSLA

[www.yep.ba](http://www.yep.ba)



**Kontaktirajte Vaš Biro za zapošljavanje**

## Šta je Klub za traženje posla?

Klub za traženje posla predstavlja formalnu grupu osoba koje traže zaposlenje. Njegova svrha je da nezaposlenom licu pruži kontinuiranu pomoć u traženju posla. Klub vode karijerni savjetnici (voditelji klubova), zaposleni u Bioru za zapošljavanje.

Osnovna filozofija klubova za traženje posla je pozitivna poruka da posla ima za svakoga ko ga želi.

## Kako izgleda rad u Klubu?

Kroz višenedeljnu obuku članovi će steći znanja i vještine relevantne za traženje posla, koje će dodatno uticati na njihovo samopouzdanje i motivaciju.

Fokus obuke je na pronalaženju adekvatnih oglasa za radna mjesta i razvijanju vještina prezentovanja, putem telefona, intervjua i u pisanoj formi. Tokom prve dvije sedmice članovi kluba razvijaju teoretska znanja dok u trećoj sedmici se fokusiraju na praktično traženje posla, sa dnevnim ciljem broja prijava na oglase, koje moraju poslati. Za sve članove koji ne pronađu posao tokom tog perioda, obezbijeđeno je savjetovanje i podrška tokom naredna četiri mjeseca.

## Šta ja mogu dobiti od Kluba za traženje posla?

Možete povećati svoje šanse da dobijete posao!

Možete naučiti kako napisati biografiju (CV), prpratno pismo, na koji način pratiti i prijavljivati se na oglase za posao, rad sa aplikacijama i prijavnim obrascima, kako telefonirati i predstaviti se poslodavcu, kako uspješno obaviti intervju za posao, kako se ponašati na svom radnom mjestu i kako zadržati posao.

Možete dobiti ličnog savjetodavca, sa kojim ćete raditi na poboljšanju Vaše konkurentnosti na tržištu rada, sve do ostvarenja krajnjeg cilja – zaposlenja.

## Koje druge koristi mogu imati od članstva u Klubu?

Članovima Kluba se u saradnji Projekta zapošljavanja mladih (YEP) i lokalnog biroa za zapošljavanje obezbjeđuju besplatno svi resursi za proces traženja zaposlenja, a neki od njih su:

- Korištenje računara i interneta
- Pristup oglasima objavljenim u svim dnevnim novinama
- Korištenje telefona za potrebe kontaktiranja poslodavaca
- Pristup bazi privrednih subjekata
- Obuke iz oblasti traženja posla
- Savjetodavne usluge zaposlenih u Klubu
- Edukativni materijal
- Mogućnost susreta sa poslodavcima, od kojih ćete čuti šta su njihova očekivanja pri odabiru budućih zaposlenika
- Informacije o svim aktivnim mjerama koje implementiraju zavodi za zapošljavanje.

## Ko sve može biti član Kluba za traženje posla?

Svaka mlada osoba starosne dobi između 18 i 30 godina koja je više od 6 mjeseci na evidenciji Biroa za zapošljavanje kao nezaposleno lice može postati član Kluba.

Ukoliko postoji više zainteresovanih nego što Klub u tom trenutku može primiti, formira se lista čekanja, ali će svi dobiti mogućnost da postanu članovi.

## Koje su moje obaveze prema Klubu za traženje posla?

Vaše obaveze su da potpišete Sporazum kojim se obavezujete da ćete dolaziti 4 dana sedmično po 3 sata u Klub, i to u trajanju od 3 sedmice, zatim da poštujete pravila Kluba, kao i prava i obaveze drugih članova Kluba.

## Kakve su mi šanse da pronađem posao?

Projekat zapošljavanja mladih (YEP) mjeri uspješnost Klubova kroz konkretna zapošljavanja. Dosadašnje iskustvo pokazuje da do **40% članova Kluba pronađe posao**. Učlanjenjem u Klub i Vi sigurno možete biti jedan od njih.

Na web stranici **www.yep.ba** se mogu pronaći detaljnije informacije o radu Klubova, uključujući njihove lokacije, kontakt podatke, ali i rang lista uspješnosti pojedinih klubova.



YOUTH  
EMPLOYMENT  
PROJECT



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Swiss Agency for Development  
and Cooperation SDC

[www.yep.ba](http://www.yep.ba)